

Radøy kommune

Saksframlegg

Saknr	Utval	Type	Dato
110/2016	Formannskapet i Radøy	PS	16.12.2016

Sakshandsamar	Arkivsaknr.:	Dokumentnr.:
Arthur Kleiveland	16/2101	16/15552

Drøftingssak - aktuelle samferdselssaker

Saksopplysingar:

Ordføraren varsla i eit tidlegare formannskapsmøte at han ville invitera til ei samferdsledrøfting i formannskap og kommunestyre. Radøy har ei rad samferdslesaker som må løysast framover. Sakene er av ulik karakter, der nokre er langsiktige, andre må løysast på kortare sikt. Nokre saker har vedtekte planar, medan andre manglar dette.

Utanom Soltveit – Marås er også finansieringss spørsmålet for dei fleste vegspørsmåla ikkje på plass. Nokre prosjekt (særleg arm til Manger frå ny FV565) har vedteken plan, men der det er somme som meiner at plan og trasè må vurderast på nytt. Enkelte saker ligg utanfor kommunen, og bør løysast saman med andre. I andre tilfelle gjeld det å få sett igang planarbeid, for på den måten å koma i posisjon for finansiering og Regional Transportplan (RTP).

Ordførar viser til at det var ein god debatt om vegspørsmål i valkampen i 2015, og denne debatten bør førast inn i kommunestyresalen, slik at det vert avklart korleis kommunen skal prioritera i sakene.

Ordførar legg fram presentasjon i formannskapsmøtet, som vert ein verkstad for korleis formannskapet vil leggja fram sak for kommunestyret.

Rådmannen sitt framlegg til vedtak:

Saka vert lagt fram til drøfting.

Formannskapet i Radøy - 110/2016

FS - handsaming:

Ordførar Jon Askeland presenterte eit notat om "Samferdsletiltak i Radøy", som han har utarbeidd som grunnlag for ei vidare drøfting av samferdselssaker i formannskapet og kommunestyret.

I formannskapet si drøfting vart aktuelle vegprosjekt og samferdsletiltak løfta fram, og ulike måtar å jobba vidare med ulike prosjekt vart drøfta.

Ordførar Jon Askeland meiner det kan vera fornuftig å engasjera konsulent til å koma med ei kort fagleg utgreiing om moglege løysingar på aktuelle utfordringar på samferdselssektoren i Radøy. Den faglege utgreiinga skal danne grunnlag for vidare drøfting og mogleg vedtak i formannskapet og

kommunestyret.

Ordføraren sette fram følgjande framlegg:

Radøy kommune engasjerer konsulent til å koma med ei kort fagleg utgreiing om moglege løysingar på aktuelle utfordringar på samferdselssektoren.

Formannskapet vedtok samrøystes ordførar Jon Askeland sitt framlegg til vedtak.

FS - vedtak:

Radøy kommune engasjerer konsulent til å koma med ei kort fagleg utgreiing om moglege løysingar på aktuelle utfordringar på samferdselssektoren.